


元末三

薩天錫集三



三九

薩天錫詩集

元薩都刺

天錫甫

明潘是仁

訥叔甫

七言律詩

京口夜坐

鐵甕城頭刻漏遲
涼霜如雪撲簾飛
鴈聲墮地夢迴枕
月色滿城人搗衣
塞北將軍猶索戰
江南游子苦思歸
呼鷹腰箭從圍獵
苜蓿秋深馬正肥

登金山雄跨亭

朱欄六曲倚高秋元氣茫茫日夜浮客去客來天地老潮生潮落古今愁踈鐘水國前朝寺落日海門何處舟更擬黃昏盡餘興却從燈火望揚州

寒夜懷京口韻

帝京久別夢相同鴻濛佳氣凌青空石麟銅雀動涼月玉樓珠箔搖天風宮壺龍渴晚漏盡御街馬滑春雪融繡衣貂帽少年子銀甕索酒蒲萄宮

馬上

秋水芙蓉淡淡粧平湖昨夜有新霜人間女子空

自好馬上郎君不暇狂十二玉樓多薄命三千客路盡他鄉上林白鴈無消息欲向何人寄斷腸

送管十班監憲除廣西宣慰使

持節曾臨江漢上分符又入瘴雲間花驄一日行千里金虎三珠照百蠻露帳旌旗天接水星營鼓角月連山九重應有平徃託日聽將軍奏凱還

借侍御郭幹卿過鍾山大崇禧萬壽寺文皇

潛邸所建

御榻在焉侍御索詩因爲賦此

虎踞龍蟠王氣多雲深石磴碧嵯峨珠峯獨占金陵勝寶地嘗經翠輦過花草舊曾沾雨露殿臺今已近星河登高願效封人祝萬歲千秋保太和

寄賀天竺長老訴笑隱召住大龍翔集慶寺
東南隱者人不識一日才名動九重地濕厭看天竺雨月明來聽景陽鐘衲衣香暖留春麝石鉢雲寒卧夜龍何日相從陪杖履秋風江上採芙蓉

夜宿池陽石墨驛納涼溪橋

文皇南幸江陵駐蹕所也徘徊久之賦詩未

就忽雷電晦冥風雨大作急趨驛舍秉燭

寫東壁時至順壬申五月

聖明天子南巡日尚想溪橋洗馬時雷電神光猶警蹕草茅賤士敢言詩山河夜黑鬼神護雨露春深草木知松栢如龍入霄漢行人謂是萬年枝

題劉渙司空山隱居圖

放光峯下結茅廬光照山人夜讀書童子抱琴隨白鶴隣翁看竹借藍輿門前秋景從風掃屋後春田帶雨鋤自嘆天涯倦遊客十年未有一廛居

高郵城樓曉望

城上高樓城下湖，城頭畫角曉鳴呼。
望中燈火明還滅，天際星河澹欲無。
隔水人家種楊柳，帶霜鳧鴈起菰蒲。
短衣匹馬非吾事，擬向烟波覓釣徒。

燕將軍出獵

將軍一戰山河定，雲漢昭回玉帳高。
柳外解鞍春洗馬，月中飛箭夜鳴鵙。
呼鷹走狗清時樂，斬將搴旗舊日勞。
白面宦官催賜酒，漢廷不數霍嫖姚。

登鳳凰臺御史大夫易釋熏何公索詩援筆

應命

六朝歌舞豪華歇，商女猶能唱後庭。
千古江山圍故國，幾番風雨入空城。
鳳凰飛去梧桐老，燕子歸來楊柳青。
白面書生空吊古，日陪驄馬繡衣行。

再過鍾山大禱萬壽寺有感

紫翠烟霞出上方，遊人登覽憶先皇。
石闌空見岩花落，翠輦不來山路荒。
此日風雲消王氣，舊時草木染天香。
夜深行殿無人到，應有山靈護御床。

和中丞伯庸馬先生贈別中丞除南臺僕馳

驛遠迂至上京中丞改除徽政以詩贈別
江南驛使路遙遙遠赴龍門看海潮桂殿且留脩
月斧銀河未許渡星輶隔花立馬聽更漏帶月鳴
珂聽早朝祇恐淮南春色動萬竿煙雨綠相招

寄京口鶴林寺長老卽休

白頭不出城南寺枯坐蒲團笑客忙過暑葛衣從
破碎逢秋竹院愈荒涼空山雲濕龍歸鉢古屋松
低鶴到床遙憶題詩舊遊處夜深東壁月蒼蒼

循廉公亮遊鍾山

十里松風吹酒醒馬頭雲氣碧峻嶒空山落葉疑
聞雨古塔踈林不見燈勝地難逢今日會舊遊却
憶向年曾使君五老峯前去應有新詩寄病僧

和叅政繼學王先生海南還韻

飄零南北與東西倦鳥投林未許棲燈下冷風山
鬼嘯嶺南春雨竹鷄啼炎天海國瘴雲合深夜蠻
鄉客語低昔日持書烏府上五花驄馬作霜蹄

詠芙蓉

班簾十二卷輕碧秋水芙蓉隔畫欄綵扇迎風霞

透影錦袍弄月酒生寒湘
翫翠袖留江浦仙掌紅
雲濕露盤祇恐淮南霜信
早絳紗籠燭夜深看

次學士盧踈齋題贈句容唐別駕

踈齋落落謫仙才句曲名山數往來
日讀茶經醫酒病春從隣舍覓花栽
昔年奏對含鷄舌今日登臨獨鳳臺
賴有間居唐別駕尋詩猿鶴莫驚猜

三衢守馬昂夫索題爛柯山石橋

洞口龍眠紫氣多登臨聊和采芝歌
爛柯仙子何年去鞭石神人此地過
烏鵲橫橋秋有影銀河垂

地夜無波遙知題柱凌雲客天近應聞織女梭

宿茅山崇禧觀南塢樓

天際三峯橫紫烟山前山後盡芝田
樓臺木末疑無路鷄犬雲中半是仙
白石經年皆化玉青松鎮日祇聞泉
曲林三館幽棲地一夜鍾樓聽雨眠

題元符宮東秀軒又名日觀

茅君山下種玉田道士闢爲東秀軒
五色曉霞開日觀萬株秋露滴雲根
竹園笋出穿龍角松樹年深長鶴孫
一道天河橫屋過奎光垂地夜當門

元統乙亥歲集賢學士只兒合舟奉旨代祀
真定路玉華宮睿宗仁聖景襄皇帝影堂

僕備監禮

大帝天香出內宮孝思與世總無窮百年禮樂行
三獻一派簫韶起半空使者領班雲氣裏女仙搖
珮月明中小臣監禮陪清列兩袖葵花映燭紅

登鎮陽龍興寺閣觀銅鑄觀音像

眼中樓觀見應稀鐵鳳樓簷勢欲飛天半寶花飄
閣道月中桂子落僧衣高擎玉露仙人掌上碍銀

河織女機全趙堂堂遺物在山川良是昔人非

寄叅政許可用

紫髯叅政黑頭公日日鳴珂近九重花底聽鶯黃
閣散御前批鳳紫泥封却將筆下文章潤散作人
間雨露濃未信吟詩趨幕府寒霜翠袖倚芙蓉

寄賀進士也先不花仲實除侍儀通事舍人

舍人楚楚好容儀立在清朝白玉墀紫袖窄衫花
萼繞黃金小帶荔枝垂綵旗拂柳春班卷宮漏穿
花午仗移朝罷太平無事日芙蓉葉上好題詩

元統乙亥歲集賢學士只兒合舟奉旨代祀
真定路玉華宮睿宗仁聖景襄皇帝影堂
僕備監禮

大帝天香出內宮孝思與世總無窮百年禮樂行
三獻一派簫韶起半空使者領班雲氣裏女仙搖
珮月明中小臣監禮陪清列兩袖葵花映燭紅

登鎮陽龍興寺閣觀銅鑄觀音像

眼中樓觀見應稀鐵鳳樓簷勢欲飛天半寶花飄
閣道月中桂子落僧衣高擎玉露仙人掌上碍銀

河織女機全趙堂堂遺物在山川良是昔人非

寄叅政許可用

紫髯叅政黑頭公日日鳴珂近九重花底聽鶯黃
閣散御前批鳳紫泥封却將筆下文章潤散作人
間雨露濃未信吟詩趨幕府寒霜翠袖倚芙蓉

寄賀進士也先不花仲實除侍儀通事舍人

舍人楚楚好容儀立在清朝白玉墀紫袖窄衫花
萼繞黃金小帶荔枝垂綵旗拂柳春班卷宮漏穿
花午仗移朝罷太平無事日芙蓉葉上好題詩

僕官燕南照磨大名文濟王重賜綵二端賦
詩以謝

夜夢東南五色雲曉聞使者已臨門府中重遣年
前賜幕下多承望外恩芝草暖霞浮露絲藕絲秋
水織霜痕何因得侍西園宴宮錦淋漓獻壽樽

寄文濟王府教授郭尚之

聞君客食賢王府翦地芙蓉賜坐溫不愛時名題
鴈塔願將苦學授龍孫中官送酒銀餅小前席談
經絳帳尊却笑馮驩事干謁無魚彈缺尚侯門

送僉事王君實之淮東

使君臘月揚州去東閣梅開雪壓枝淮上有官皆
避馬竹西無處不題詩春風楊柳平山路夜月瓊
花后土祠從此公餘多勝覽好傳佳句遠人知

元統乙亥歲 除閩憲知事 行立春十日

叅政許可用惠茶寄詩以謝

春到人間纔十日東風先過玉川家紫薇書寄斜
封印黃閣香分上賜茶秋露有聲浮薤葉夜窻無
夢到梅花清風兩腋歸何處直上三山看海霞

別江州總管真定王克紹

我識文章王太守不知幾日上潯陽琵琶亭前好
明月香爐峯頭多夜光吟詩寫字午衙靜打鼓勸
農春社忙萬一公餘頗相憶寄詩應到荔枝鄉

阻風崔鎮有感

逆風吹河河倒行阻風時節近清明南人北人俱
上塚桃花杏花開滿城雖云年少慣作客便覺此
日難爲情河魚村酒亦足醉賴有同船好弟兄

再過界首驛

二月好風吹渡淮蒲湖春水綠如苔官船到岸人
多識楚館題詩客又來近水人家楊柳暗禁烟時
節杏花開一官迢遞三山遠海上星槎幾日回

姑蘇臺奉和侍御繼學王先生贈別

驄馬霜臺好使君碧羅衫色綉春雲簾垂綬帶蝦
鬚織燭翦金釵燕尾分四海名高瞻北斗五絃調
古和南薰姑蘇臺下人無數爭看文星拜主文

錢唐驛樓望吳山

仙居時復與僧隣簾幕人家紫翠分後嶺樓臺前

嶺接上方鍾鼓下方聞市聲到海迷紅霧花氣漲
天成綵雲一代繁華如昨日御街燈火月紛紛

贈陳衆仲

江南少識陳衆仲闕下才名北斗齊直閣每從花
底過揮毫曾向御前題觀魚小海鳳新浴立馬上
林鶯亂啼今日西湖湖上路獨騎款段路春泥

贈吳山紫陽庵女道士并引

武林吳山紫陽庵澗民有丁姓者棄俗爲
全真一日忽召其妻入山書詩四句云懶

散六十三妙用無人識順逆兩俱忘虛空
鎮常寂坐抱一膝面逝俗謂之騎鶴化其
妻束髮簪冠爲女道士奉其夫屍二十年
不下山幾於得道神仙渺茫姑不暇論其
婦一節乃可尚也婦年七十王其姓諱守
素亦澗人云登覽之餘因爲賦詩

不見遼東丁令威舊遊城郭昔人非鏡中春去青
鸞老華表山空白鶴歸石竹淚乾班雨在玉簫聲
斷綵雲飛洞門花落無人迹獨坐蒼苔補道衣

過鵝湖寺

十里蒼松對寺門，四圍翠滴露紛紛。
湖心水滿通銀漢，山頂鵝飛化白雲。
玉井芙蓉天上露，劔池雪浪月中聞。
石床茶竈如招隱，還許閑人一半分。

題鵝浴池

天池霹靂斤斧餘，天風萬劫吹不枯。
白雲石面化青雨，落日海眼翻烏鳥。
銀河靈鵲渡夜影，月窟老兔時濡鬚。
太平海上錦袍客，跨鶴來看浴鳳雛。

贈仁王講師達上人

香山居士美如玉，亭亭秋水開芙蓉。
承恩長楫紫宸殿，飛錫遙掛烏石峯。
散花天女遶經閣，出海神龍聞講鍾。
攢眉入社笑陶令，載酒三生石上逢。

臺山懷古

粵王故國四圍山，雲氣猶屯虎豹關。
銅獸暗隨秋露泣，海鴉多背夕陽還。
一時人物風塵外，千古英雄草莽間。
日暮鷓鴣啼更急，荒苔野竹雨斑斑。

石夫人詩

危危獨立向江濱，四伴無人水作隣。
綠髮懶梳千

載髻朱顏不改萬年春雪爲膩粉憑風傳霞作胭脂仗日勻莫道臉前無寶鏡一輪明月照夫人

安分

心求安樂少思錢無辱無榮本自然春日賞花惟貫酒冬天踏雪旋添綿頰將碁局消長日時焚香薰篆細烟萬事皆由天理順何愁衣祿不周全

丁卯年及第謝恩崇天門

禁柳青青白玉橋無端春色上宮袍卿雲五彩中天見聖澤千年此日遭虎榜姓名書勅紙羽林冠

帶豎旌旄承恩朝罷頻回首午漏花深紫殿高

勅賜恩榮宴

內侍傳宣下玉京四方多士預恩榮宮花壓帽金牌重舞妓當筵翠袖輕銀甕春分官寺酒玉杯香賜御厨羹小臣涓滴皆君澤惟有丹心答聖明

同克明曹生清明日登北固山和韻

三月二日風日暖千家萬家桃李開少年白日騎馬去滿城紅雨拂面來共君且飲酒一斗處世不必歌七衰孫劉事業果何在百年斷石生莓苔

寄呈江東廉使王繼學

瓜步遙聞鼓角聲
淮船夜過石頭城
當年嶺海家何在
在此日江湖夢亦清
紫塞秋風初度鴈
玉堂夜月舊聞鶯
祇應王謝風流在
卧治山東足令名

金陵道中

烟樹雲林半有無
野人行行李更蕭
踈堠長堠短
逢官馬山北山南
聽鷓鴣萬里關河
成客舍五更風雨
憶吾廬寂寥一點
寒燈在酒熟隣家
許夜沽

層樓

廣寒世界夜迢迢
醉拍闌干酒易消
河漢人樓天不雨
江風吹月海初潮
影搖翠幙金蓮炬
夢斷涼雲碧玉簫
休唱後庭舊時曲
六朝宮殿草蕭蕭

述懷

客程去住與身違
誤擲漁竿下釣磯
好客不來門戶俗
遠親相棄信音稀
青春背我堂堂去
黃葉無情片片飛
遙望家山搔短髮
故園酒熟蟹螯肥

句曲贈清玄道士陳玉泉朝京還山復拜廣

陵觀

清玄道士騎黃鶴曾向春班起早朝香動螭頭雲
氣暗路回龍尾珮聲遙還山去採泉中玉洗耳終
亡樹上瓢聞說淮南招桂隱渡江明月聽吹簫

望金陵

行人雨霽金陵去簫寺鍾聲又遠聽五月潮聲方
洶湧六朝文物已凋零春風玉樹留歌韻暮日青
山立畫屏千古興亡堪一笑買花載酒賞心亭

季子廟

公子不來春草綠故宮禾黍亦離離沸原尚有千

年井古篆猶存十字碑去國一身輕似葉歸田兩
鬢細如絲李家兄弟一朝暮羞見延陵季子祠

題揚州驛

銀燭高燒照不眠呼兒飲馬汲清泉寒砧萬戶月
如水塞鴈一聲霜滿天金縷款歌來枕上銀篦索
酒到亭前明朝走馬燕山道贏得紅樓說少年

雪米

萬斛珠璣瀉大荒六丁誰爲發天倉雲孫捧出南
箕簸月姊春來北斗量狼臠也知逢稔歲貯儲元

不濟饑腸風流灞上尋詩客千古無人說秕糠

移梅

幾夜幽香惱夢魂慙慙來倩隴頭人鑿開東閣窻
前地分得西湖雪裏春瘦影番來新體態踈枝猶
帶舊精神今朝伴我清吟處不許詩懷更有塵

元日

元日端門瑞氣新層層冠帶羽林軍雲邊鵠立千
官曉天上龍飛萬國春宮殿日高騰紫氣簫韶風
細入青雲太平天子恩如海亦遣椒觴到小臣

寄馬昂夫總管

衢州太守文章伯酒渴時敲玉井冰徑造竹床忘
是客橫拖藜杖去尋僧人傳絕句工唐體自恐生
前是薛能日暮江東懷李白鳳凰臺上幾回登

送僧歸廬山

楊子江頭木葉風上人歸與白雲重淨瓶滿貯蓬
萊水客舫遙聽精舍鐘到家自笑門前鶴洗鉢不
驚潭底龍珍重匡廬山畔路逢人應問舊栽松

次張舉韻題皖山金氏繡野亭

南冠猶有舊風流說看舒州處處幽最喜園林動
花竹不妨城郭帶林丘一樽濁酒青山暮三徑晚
香黃菊秋未識孤高金處士杖藜應許約同遊

贈莫州同年縣尹米思泰

倦客重來憶去年荒城斜日淡炊烟民居星散無
官訟里巷秋深盡水田禾稼半生城郭裏槐花亂
落縣門前路傍父老頭如雪共道文章令尹賢

送劉子謙照磨之廣西

一官未厭馬蹄遙要使南荒識鳳毛幕府紅蓮開
白晝轅門碧草映青袍牙旗曉濕蠻烟重羽箭宵
鳴嶺月高努力平徭當第一剖符懸印賜勲勞

和馬昂夫雜詠賞心亭懷古

景陽宮井綠蕪深空有楊花暗御林一自朝雲歸
寺裏幾回明月到樓心陳臺露冷蛩聲苦楚水波
寒鴈影沉白髮詞臣多感慨張歌對酒向誰斟
倚遍闌干憶往年南中文物已蕭然空遺故國山
如畫依舊長江浪拍天市井笙歌今漸少御街燈
火夜相連青青樓外秦淮柳幾度飛花送客船

上趙涼國

笑辭天上九鼎貴來種江東二頃田屈指已無元
老在全身惟有國公賢新亭不必悲王道彭澤何
曾改晉年如此聲名半天下人稱野史亦堪傳

贈學古澹上人

瘦影相隨九節筇同袍無處覓行蹤遠看天目山
中寺來聽石頭城裏鍾洗鉢泉通陳井水開窻雲
度蔣陵松忽聞一夜猿啼月却憶飛來最上峯

送君卿伯循二御史廣東僉憲時僕在燕南

沙頭酒熟惜別離江波日色浮繡衣清溪鷗鷺白
蕩蕩白下楊柳青依依秋雲雙隄嶺來去明月一
鴈燕南飛曲江有酒願相憶莫遣鯉魚音信稀

送龍翔寺約上人之俗歸宜興狀寺

雲水上人歸興忙棕鞋蒲扇葛衣涼過湖就得鄉
船便入寺行穿茶樹香早起鍾聲持木鉢夜隨燈
影認禪床定回却憶潛龍處曾任西廊第幾房

再遊崇禧寺

野人再到城南寺臨水芙蓉次第開新酒瓦盆青

蘭天錄十卷四
映竹舊題石壁綠封苔夕陽半嶺牛羊下秋色滿
天鴻鴈來獨上新亭天地濶不須揮淚洒蓬萊

遊青溪道院

晚涼喜見城東月高照西隣道士家丹室火光穿
樹木石壇旛影走龍蛇蝦鬚捲夜收雲氣仙掌擎
秋瀉露華倚杖叩門驚鶴睡珊珊珂珮隔青霞

題李遵道畫竹木圖

風流未識生前面翰墨空遺歿後名鳳尾拂雲秋
有影龍頭出水夜無聲半生清節江南夢萬里靈

槎海上行應逐錦袍弄明月倒騎赤鯉對吹笙

送張都事南臺

幕府三年冰雪裏清溪秋水照芙蓉早霜兩鬢厭
爲客明月滿船空載書憶昔中臺簪豸角曾封直
諫動鸞輿而今江海多歸思白髮慈親暮倚閭

送南臺察院吏馬允中臺

御史臺郎書上考彩衣歸慰日相親風烟驛路江
天曉燈火船窻雪夜春幕府十年心似水京華三
月馬如塵此時應有尋君處日到松廳莫厭頻

和張仲舉清溪夜行

溪上人家溪樹青
溪行野客思冥冥
月光蕩水游魚出
屐齒穿花宿鳥醒
蔓草古陵神道沒
風櫃夜火鬼祠靈
後庭遺曲依然在
商女孤歌不忍聽

次韻登凌歊臺

山勢如龍去復迴
閑雲野望護崇臺
離宮夜有月高下
輦路日無人往來
春色不隨亡國盡
野花只作舊時開
斷碑衰草荒烟裏
風雨年年上綠苔

過姑孰懷陳行之教授

經過姑孰多佳趣
卜築黃花老亦佳
白髮故人田負郭
青驄遊子客爲家
郡齋簷雨閑碁子
官路山風過棟花
自笑欲歸歸未得
裁詩相憶墨翻鴉

宿青陽雲松臺二首

九老排雲獨擅尊
衆山拱戴似兒孫
石房仙去神光現
洞府龍歸雨氣昏
上古幾年埋地軸
至今九柱插天根
何時身在層峯頂
手把丹書扣帝閭
縣門遙按九霞山
日日天開圖畫看
雲氣曉連銅篆濕
翠光晴鎖硯池寒
人間官府紅塵馬
天上神

仙白玉盤高卧雲松定何日仰板北斗夜闌干
三月京城飛柳花燕姬白馬小紅車旌旗日暖將
軍府絃管春深宰相家小海銀魚吹白浪層樓珠
酒出紅霞寒驢破帽杜陵客獻賦歸來日未斜

贈劉尊師

羽人推轉阿香車童子穿松入翠華天上賜衣沾
雨露山中詩錦織雲霞瑤壇紫氣秋橫劔石屋丹
光夜走砂擬借茅君三日鶴乘風騎到玉皇家

訪揭曼碩祕書

城中車馬多如雲載酒問字無一人碧桃花開光
艷艷硯池水暖波粼粼先生楷書白晝靜家童畫
紙烏絲勻落紅滿地送客去十年不見江南春

采石懷李白

夢斷金鷄萬里天醉揮秃筆掃蠻箋錦袍日進酒
一斗采石江空月滿船金馬重門天似海青山荒
塚夜如年祇應風骨蛾眉妬不作天仙作水仙

登石頭

登臨未惜馬蹄遙古木秋高萬葉凋廢館尚傳陳

後主新碑猶載晉南朝年深堦路埋花徑雨壞山
墻出翠翹六代興亡在何處石頭依舊打寒潮

題舒真人仙山樓觀圖

瑤花琪樹間霓旌十二朱樓接五城臺上吹簫秦
弄玉雲邊度曲許飛瓊光流漢殿青鸞舞霞擁函
關紫氣明方丈蓬萊俱咫尺不須東望問長生

次韻送虞先生入蜀代祀

芙蓉仙掌座中低后土生光手可齊澗道蹴雲衣
有潤蜀天漏雨石無泥岐山過馬應聞鳳陳寶停

舟莫信雞柳馬大邦文物盛題詩須近草堂西

寄句曲外史

霞珮翩翩出洞天當時彷彿見臞仙幾年海上張
公子今日山中葛稚川滄海塵飛丹已熟玉堂人
去榻空懸林間載酒來相覓乞寫丹經與世傳

寄王本中

王郎楚楚金閨彥五鳳樓前看鬪鷄花外漏傳銀
箭午日邊班退紫宮西吟詩月白傾盤露歸馬春
紅踏錦泥應念樓遲江左客破窻燈火雨淒淒

次韻寄茅山張伯雨二首

句曲道人門不出幾時杖屨接慇懃春晴洗藥分
泉去午睡烹茶隔竹聞山脚客行驚犬吠樹皮苔
老結龍文三層臺上月如水半夜吹簫入紫雲
天際三峯翠色浮更於何處覓瀛洲也知方外神
仙好不識人間兒女愁白犬吠人驚夜鬼珠簾捲
雨入明樓掛冠何日尋高隱竹杖芒鞋絕頂遊

過孫開

將軍一去繁華盡池館長年鎖暮霞金谷東風只
芳草綠窻晴日自楊花鶯兒別去空歌榭燕子歸
來無主家王氣東南已消歇景陽宮沼夕鳴蛙

同吳郎飲道院

三月江南飛柳花松間童子臉如霞旋呼采石仙
人酒來醉山陰道士家西日下城人影散東風吹
馬帽簷斜吳郎今夜瓜洲渡回首江頭月滿沙

病中夜坐

江樹花開午夜春綠香吹散隔簾雲吟詩思苦家
人罵搗藥聲高隣舍聞惟有工程食白朮亦無心

事對紅裙消愁且喜樓西畔明月一池蛙亂喧

觀駕春遊二首

簫韶鳳細入清虛日暖旌旗卷復舒雙鳳曉開金
翅扇六龍春駕紫雲車將軍斜插黃金虎丞相低
懸碧帶魚遙想宮盤露珠滑江南渴殺病相如
日奏雲間紫鳳韶春隨天上拓黃袍伏前虎將千
金斧馬上鷹兒五色絳獵士開弓黃犬壯宮官擊
鼓紫駝高侍遊亦有中書令七寶雕籠看綠毛

送僧還江西

病僧歲晚歸何處落日空山白鴈聲洗鉢欲辭楊
子水買魚多上豫章城雲深廬阜青松老風細鄱
湖白浪生更展諸方圖畫看高低遠近互縱橫

寒夜卽事

枕邊漏水催更箭城下霜風動捲蘆寒夜繡簾人
送酒小樓銀燭客提壺自憐今日江南夢猶認當
年柳下墟又擬上元燈火夜扁舟載酒下姑蘇

招隱首山分韻得生字

龍飛鳳隱知何處今日空餘黃鵠名千古江山圍

故國五更風雨入空城
猿啼洞府暮雲合
花落祠堂春草生
何日結茅向青壁
抱琴坐石聽泉聲

殿試謝恩次韻

御柳青青白玉橋
無端春色暖宮袍
蓬萊雲氣紅樓近
閭闔天風紫殿飄
士子拜恩文物盛
舍人贊禮旺聲高
小臣雖出江湖遠
馬上聽鶯夢早朝

遊竹林寺

野人一過竹林寺
無數竹林生白烟
江左玉龍埋碧草
月明黃鶴下青田
樹銜宿雨藏山鷓
花落春

風老杜鵑何日來
分雲半榻故人不用買山錢

次韻送人還茅山

八十華陽洞裏仙
朝回劍履御堦前
丹砂出鼎無餘火
白髮看經有太玄
三月雲江春似海
九重金闕日如年
歸來依舊茅山月
道德明言說五千

酌桂芳庭

桂枝秋露洗銀瓶
醉裏題詩記答曾
接竹池通丹井水
隔松人誦藥珠經
茶香石鼎燒紅葉
酒渴冰盤破紫菱
一帶鍾山青未了
碧窻雲氣護龍亭

賀內臺治書奉勅樹碑先塋

獬豸裁冠侍紫皇，繡衣玉斧破炎荒。
江東丘壠雲山好，天上文章雨露香。
勾曲洞中天紫翠，鳳凰臺上月清光。
忠臣孝子千年意，永刻豐碑不可忘。

遊長干寺

秦淮河上長干寺，松栢蕭蕭雲日鮮。
故堠尚存銅雀瓦，斷碑猶載晉朝年。
石壇幡影風吹動，輦路磚花雨滴穿。
惟有長廊舊時月，幾回缺後幾回圓。

次韻三首

之子慇懃何處來，清談煇茗不論杯。
五更門外過風雨，四月街頭買杏梅。
喜客有情窻動竹，吟詩無興硯生苔。
君家白酒何時熟，病起應須去不回。
池塘過雨水生漪，倚檻觀魚自悅怡。
長日似添詩有趣，故人因爲病相知。
涼風忽過簾鉤動，午箭初長刻漏移。
何處榴花照人面，隔牆紅過兩三枝。
江南三月踏殘芳，白苧衣輕樹影涼。
曲巷銀燈先馬去，誰家翠袖隔簾香。
細歌金縷鳴牙板，新酒檀槽出玉漿。
卧病日長思往事，買舟乘興過滄浪。

廣平馬懷素寓居姑蘇兩中見過

湖海相逢若弟昆，丈夫志氣共誰論。
江山如此苦多夢，風雨蕭然忽過門。
爲客尚嫌吳俗薄，哦詩久別楚音存。
明朝北固樓中去，共聽江聲倒百樽。

送人之金陵

江城積雨開新霽，行李蕭蕭去遠凋。
千古風光髮邊白，六朝山色馬頭青。
秦淮月出潮初上，蕭寺鐘聲酒半醒。
莫唱當時後庭曲，殿臺衰草自飛螢。

寄良常伯雨

良常道士人不識，終歲看山不下樓。
隔屋木香開酒甕，捲簾樹色入茶甌。
雲深石磴麋鹿下，月黑松崖猿鶴愁。
安得飄然出塵鞅，長年送別若爲遊。

奉次叅政繼學王先生海南還桂林道中韻

空山幽響落林柯，蠻犬嗷嗷吠碧蘿。
大庾嶺頭三月盡，鬱孤臺下幾人過。
檳榔雨過鳩鳴急，薜荔雲深猿嘯多。
幾度裁詩寄相憶，江南如此奈愁何。

無題

爲客三年海上洲，故鄉何處瘴雲稠。
數千里外蠻

人域十八灘頭過客舟時有山禽呼姓字或從海
鳥作朋儔故人珂珮周旋處紫殿風清十二樓

南安道中

筍輿初下上江船無數青山入枕邊幾處猿啼愁
入瘴五更鷄叫夢朝天不堪歲月如流水賴有文
章似湧泉歸日鄉人問何往云從海上覓神仙

章共道中

多情明月落船傍萬里孤城望帝鄉客裏已無金
馬詔篋中猶有賜衣香嶺南地濕家山暮天上風

微殿閣涼憶得當年曾夜直玉龍銀箭漏聲長

吉安道中

西風吹鴈不成行萬里孤舟下夕陽度峽冷風歎
客帽捲簾涼月落琴床江湖水滿鷗偏樂花柳春
深馬正忙又看青原山色好故鄉歸計喜相將

采石謾興

誰記將軍亡國時江東父老鬢如絲古今天塹幾
千里南北樓船百萬維中國一蜚傳箭檄前朝謾
有渡江碑太平到處山如畫暖日晴風颺酒旗

過五溪

萬壑泉聲下五溪
小涼天氣下溪時
相逢橋上無非客
行盡江南都是詩
苦雨最嫌鳩喚急
愛山不厭馬行遲
幾時宿向華峯頂
露月蕭蕭生桂枝

九華山題石潭驛

馬上行人看九華
飄飄高旆倚天涯
排空峭石生玄筍
落日奇峯掛赤霞
仙掌九秋擎露屑
天河半夜礙星槎
雲中五老應招手
喚客來遊太乙家

寄中曹學士除浙江財賦總管聞至姑蘇

錢塘西府曹學士
飲酒吟詩亦快哉
閑醉時遊虎丘寺
浩歌獨上姑蘇臺
一生好客黃金去
百歲催人白髮來
藉藉聲名滿天下
朝廷今日肯遺才

夢登高山得詩二首

登高遠望四山齊
何處風流杜牧之
白苧曾聽下唱紫簫還
向月中吹野雲
雨後無行跡
芳草春深
有斷碑
夢裏勝遊閒
記得翠微高
上寫烏絲
杖藜踏破碧崔嵬
夢裏清遊樂未回
萬壑泉聲松下去
數行秋色鴈邊來
文章小杜人何在
風雨重

陽菊自開山路雲深行客倦竹鷄飛上獨春臺

石門懷舜咨夜坐

道人掛劍丹陽去欲入茅山恐未曾飛去難尋雲
外鶴歸來獨禮斗前燈夢回洗鉢分秋水酒渴敲
壺碎夜冰獨有江東未歸客西風詩骨瘦陵嶒

建德道中

泉作溪流石作橋桑麻成壠接東饒鷄鳴犬吠人
家近水轉峯回驛路遙虎嘯樹林風獵獵人行弓
箭馬蕭蕭多情一片吳天月夜夜相隨伴寂寥

寄湖南張子壽以西臺御史拜前職素有退
志故舉兼善勸之

初拂繡衣來日下又持憲節駐湖邊鐵冠晴雪照
荆國羽扇清風掃瘴州客館如聞鷓鴣語鄉程好
買洞庭船狀元御史今何學已過揚州看月圓

大同驛

題詩洒墨江東驛筆力猶能挽怒濤飛騎將軍朝
出獵打門縣吏夜催徭天高路遠心如水夜永愁
多獨過橋却憶玉堂諸學士鳳池東畔珮聲遙

畚茅山道士見寄

道人自有愛山癖
蠟屐平生幾兩穿
七竅冷雲秋噴竹
一琴明月夜調絃
山中紫府茅君宅
肘後丹方許史傳
短褐擬尋黃犢出
長鑱斲雪早春前

酬張伯雨寄茅山志

恨余未識茅君面
喜得茅山道士書
燈外雨聲那厭聽
風前石髮豈堪梳
碧窻雲氣寒生楮
清室丹珠夜繞厨
夢到層臺夜披卷
桂林風動月踈踈

奎章閣觀進皇朝經世大典

文章天子大一統
館閣詞臣日纂修
萬丈奎光懸祕閣
九重春色滿龍樓
門開玉鑰芸香動
簾捲金鈎硯影浮
聖覽日長萬機暇
墨花洗出鳳池頭

西宮春日

九重五采金銀闕
冠帶將軍盡羽林
上苑春鶯隨柳轉
西宮午漏隔花深
天開閭闔收金鎖
簾捲奎章聽玉音
白髮儒臣賣詞賦
長門應費萬黃金

登鳳凰臺

梧桐葉落秋風老
人去臺空鳳不來
梁武臺城芳

草合吳王宮殿野桃開石頭城下春如水燕子堂
前雨長苔莫問人間興廢事百年相遇且啣盃

京師春夜呈宋禮部

柳色無端染翠裙官街車馬去紛紛鶯花御苑春
多少漏箭宮壺夜幾分金縷悠揚燕市月玉簫繚
繞鳳樓雲太平天子恩如海亦遣餘音客枕聞

送王習靈新授宗師朝京

玉珮珊珊下界聞天風吹動碧榴裙劉郎跨鶴遊
三島王子吹簫到五雲花洞夜深傳玉印石壇月

黑禮茅君若逢天上吳夫子應有丹砂肯我分

飛鳴宿食鴈

年去年來年復年帛書曾達茂陵前影連薊北月
橫塞聲斷江南霜滿天雨暗蘆花愁夜渚露香菰
米下秋田平生千里與萬里塵世網羅空自懸

寄新原林道士

我識華陽林道士步虛空裏帶淮腔幾年掛劔茅
君洞一夜渡船楊子江醉酒慣眠松下石題詩愛
近水邊窻仙家白鶴養無數不惜人間借一雙

遊鍾山

驄馬穿雲到上方
南巡輦路碧苔荒
禪僧白晝看
竹殿山鬼黃昏避
御床雲冷夜深龍
在鉢日長時
有虎巡廊小桃十月開
如錦猶帶前朝雨露香

登北固城樓

醉拍闌干起白鷗
登臨不忍古今愁
六朝文物隨
流水三國江山獨倚樓
禿鬢涼風吹木葉
孤城落日下簾鉤
海門不管前朝事
猶送寒潮打石頭

鶴林僧送竹笋

櫻鞵桐帽走風雨
正是山僧送笋時
夜月不留栖
鳳影春雷失却化龍枝
從來不識葛藤味
此去方
參玉版師老子胸中
冰雪滿
歲暮晚節更相期

遊鍾山

林影扶疎護碧苔
肩輿上下路縈迴
潮聲萬壑松
風過雲氣滿樓山
雨來梁武廟荒春草冷
荆公墓
在野棠開百年感慨成何事
且進生前酒一杯

陪張御史遊鍾山

烏府仙人獬豸冠
清遊喜得共儒酸
鶻花過雨千

岩淨驄馬穿雲六月寒山鬼每驚詩句險客懷惟
愛酒杯寬一時佳興千年遇莫作浮生半日看

和同舉觀志能還武昌

短衣匹馬走塵埃山川歷歷何雄哉漢陽城高鼓
角動洞庭秋水鴻鴈來雪消巴蜀浪翻屋黃鶴磯
下聲如雷是時立馬夜呼渡清江苦竹聞猿哀

題半山寺

今日偶成林壑趣清幽恨未得從容龍歸石洞半
山雨潮捲天風十里松春路泥深多滑馬晚樓霧

重只聞鍾荆公舊隱知何處回首蒼茫第幾重

江城翫雪

雪正紛紛客倚欄長江風急吼天關千重鐵甕成
銀甕一夜金山換玉山舟子迷歸寒浦外衲僧款
在白雲間曉來霽日高秣照好景依然悅我顏

遊金山

約客同遊買渡船閑觀古刹禮金仙山中好景無
多地天下知名第一泉佛聞齊雲浮海與客帆過
寺帶風煙當年郭璞因何事來葬江心作浪傳

平望驛道

左帶吳松右丑湖人家笑語隔菰蒲風濤不動魚
龍國煙雨翻成水墨圖越客卧吹船上笛吳姬多
倚水邊墟鑑湖道士如招隱一曲他年得賜無

送王御史

驄馬如龍玉作鞭江頭下馬上官船承恩不比尋
常輩人諫頻瞻咫尺天草滿舍田多戰骨花飛驛
路少人烟憲臺自是清高甚時事關心易白顛

題玄妙觀玉皇殿

虛空臺殿枕層岑木杪丹梯起百尋花落鳥啼青
竹裏客來犬吠白雲深松壇晝日移幢影石室天
風送鐸音老鶴如人窻下立閑聽羽士理瑤琴

復題平望驛

秋雨皇華下九天又隨歸鴈過吳川荒村有火夜
投宿野渡無人秋放船中酒不堪連夜飲思家無
柰五更前歸來却被青山笑萬丈黃塵兩鬢烟

薩天錫詩集卷四

薩大錫詩集

元薩都刺

天錫甫 著

明潘是仁

訥叔甫輯校

五言排律

次繁昌邑宰梅雙溪韻

矍鑠繁昌宰曾克觀國賓儒冠猶破帽禮服尚垂
紳澹泊心無愧清癯目有神老隋朱紱貴驚見白
頭新撫字三年政歌謠百里民

題進士索士岩詩卷士岩與余同榜又同爲

燕南官出翰林編修爲御史臺掾兼經筵檢
討除爲燕南廉訪經歷

憶昔登天府文華萃帝鄉俊才魚貫列多士鴈成
行寶劍懸秋水驪珠耿夜光三塲如拾芥一箭已
穿楊上策師周孔蜚聲陋漢唐鳳池開御宴虎榜
出宮墻賜笏丘山重恩袍雨露香天花皆剪翠法
酒盡封黃冠蓋遊三日聲名滿四方歷階超宰輔
捧表謝

君王第甲分三館鏤碑立上庠曲江嘉宴會合席
盡才良契誼同昆弟比和鼓瑟簧誓辭猶在耳離
思各驚腸臺閣需材器儒林作棟梁超遷烏府掾
輝映繡衣郎迫晏封幾事平明出奏章日披墳典
舊時念簿書忙檢討超經幄論思近御床聖朝稽
古道日暮下迴廊羈旅燃薪桂長吟出錦坊弱妻
貧且病羸馬瘦仍僵窮巷迴車轍空厨泛酒漿故
人傳奏目請便趣行裝皇極三臺重燕南各道昌
承恩辭魏闕攬轡去恒陽曉幙芙蓉露秋空栢樹
霜諸司循直矢羣吏肅宏綱漢水浮神馬岐山出

鳳凰行須冠獬豸已見走豺狼慚愧蓬蒿翼乘風
亦下翔

送丁太初赴永嘉學正十八韻

國學崇儒代人材絕妙年風雲千里駿日月九重
天翰苑司掄選中書屬次銓光榮毛義檄奮發祖
生鞭學廣儒官制書傳子弟員宦情依冷椽官舍
擁寒氈筮仕無踰此如君更穎然永嘉今永郡多
藝夙多賢咨訪兼留意英髦孰接肩舊家疑寂寞
遺業想流傳會看聲華盛應知德業全高情何特

達矇目共周旋春著花間屐秋乘柳下船扁章微
點染山水自清妍薦豆登霜柚充厨載海鮮洞簫
吹月下玉樹立風前已作魚龍變何嫌雨露偏群
公爭薦進拭目著騰騫

陸天錫詩集

薩天錫詩集

元薩都刺 天錫甫 著

明潘是仁 訥叔甫輯校

五言絕句

過紫薇菴訪馮道士三首

道士愛幽居年來一事無
盆池新過雨石上種菖蒲

山中華蓋洞石氣冷蕭蕭
不見眠雲客惟逢避雨樵

研珠滴露清自點太玄經盡日無人到小窻蘭葉青

雪霽過清溪題道士江野舟南館二絕

孤舟橫野水門外雪晴初白日莫放鶴青溪閑釣魚

江南正月半猶自有梅花踏雪去何處青溪道士家

過高郵射陽湖雜詠九首

飄蕭樹梢風淅瀝湖上雨不見打魚人菰蒲鴈相

語

秋風吹白波秋雨鳴敗荷平湖三十里過客感秋多

野鶴如人長迎風理毛羽獨立秋雨涼人來忽飛去

雨濕鼓聲重風勻湖面平官船南北去帆影掛新晴

白鷺愛秋水獨立仍自行得魚固偶爾驚飛亦常情

秋水落紅衣秋波日瀟灑不見採蓮人惟逢捕魚者

菱
霜落大湖淺漁家懸破罾此時生計別小艇賣秋

捕魚湖中水賣魚城市裏夫婦一葉舟白頭共生

歛
大罾一丈濶小舟一葉輕相傳子與孫終古無人爭

病中雜詠七首

十日九風雨深秋獨閉門積陰須自散倚杖望朝

暎
爲客家千里思歸月滿樓木犀開欲盡病裏過中

秋
門繫青驄馬多應問病人小官好踈散莫訝懶衣

巾
病形如瘦鶴照影向清池自有冲霄志游魚莫見

疑
風葉高下落秋砧遠近聞天涯多病客倚杖看孤

雲

陶令貧無酒郎言菊也無家僮燒柿葉隣舍送菜
黃

多病東廳客深秋出幕遲芙蓉開也未葉上好題
詩

陸天錫詩集

元陸都刺 天錫甫 著

明潘是仁 訥叔甫輯校

六言

次韻與德明小友

烟雨短篷水口人家亂石山前送別莫忘今日相
逢知在何年

莫笑風飡水宿暫離馬足車塵兩岸好山送客一
江細雨歸人

舟中題畫卷

兩岸好山如畫丹崖翠壁樓臺愛殺南閩風景小
官何日歸來

薩天錫詩集

